

¡BOMBA!

Pa' que no se mal entienda,
todo es cuestión de dinero;
así se vaya Quintero,
de ese tamaño es la ofrenda



K'uintsil

Edición de fin de semana, del viernes 28 de febrero al domingo 2 de marzo de 2025

CAMPECHE · YUCATÁN · QUINTANA ROO · AÑO 8 · NÚMERO 1975 · www.lajornadamaya.mx

MUUCH,

JUNTÚUL BA'ALCHE' MA' TÁAN U NÁACHTAL TI' JA'

Le chan ba'alche'a' ku náachtal ikil u máan u kaxt u yo'och, ba'ale' ti'al yáax k'iine', ku kaxtik tu'ux yaan ja' mantats', ti'al u béeytal u ts'áak u mejenil. U científico k'aaba'e' *Incilius valliceps*, ts'o'oke' ka'aj tu k'áaxil Área de Protección de Flora y Fauna "Laguna de Términos".

U ch'i'ibal muuche', América del Norte, México yéetel América Central, ts'o'oke' ku k'uchul tak Costa Rica. Ich káastelan t'aane' k'ajóolta'an beey sapo común wa sapo del golfo. Méek'a'an tumen géneroil Incilius.

"Mu'uk'a'an u wíinkilal, óol túuts', yéetel u k'abe' kóom. U yooko'obe' mu'uk'antak yéetel u yoot'ele' i'ixkil, ts'o'oke' pixa'an tumen tubérculos", tu ya'alaj máax beetik u k'a'aytajilo'ob u múuch'kabil Desarrollo y Medio Ambiente, A.C., Jacqueline May Díaz.

Leti'e' tu tsolaj muucho'ob beya', ku p'isiko'ob desde tu ni' tak tu jool u yiito'obe', ichil 7 tak 8 centímetros, ts'o'oke' jejeláas u boonilo'ob, ba'ale' le maas suuk u yila'alo', de koob, samal boox wa chakpose'en yéetel wíiwits' boox. Yaan jump'eel t'o'ol tu paach yéetel wíiwits' boon tu yook.

Juan Gabriel Martínez Martínez, máax jo'olbesik u múuch'kabil Guardianes de la Naturaleza tu ya'alaj muuche' kaja'an tu jáal ja'ilo'ob Golfo de México. Jela'an u yila'al tu'ux mina'an wa náach ti' ja'.

Yaan ya'abach máako'ob tukultik k'aastako'ob wa sajakti'ob, le beetik yaan ku kíinsa'al tumen.

OOCHÉL JEAN-LOU JUSTINE

ESPECIAL: FAUNA NUESTRA | P 42 YÉETEL 43

